



Osterøy IL
Postboks 42
5293 LONEVÅG
Org.nr: 975 682 447

Søknad om kommunalt tilskot og kommunal garanti for låneopptak til rehabilitering av friidrettsanlegget, Osterøy stadion

Lonevåg, 18.10.2019

Osterøy IL søker med dette:

- Kommunalt tilskot på minimum 25% av spelemidler.
- Kommunal garanti, kr 2.200.000,- for låneopptak kr 2.000.000,-

Osterøy IL gjorde i ekstraordinært årsmøte 16.10.2019 følgende vedtak:

1. *Osterøy IL søker spelemidler til rehabilitering av friidrettsanlegget i samsvar med førehandsgodkjenning og forprosjektplan innan kommunen sin søknadsfrist som er 15.11.2019. Totalt kostnadsestimat kr 2 539 945,-*
2. *Osterøy IL sender søknad om kommunalt tilskot til tiltaket på inntil kr 846 648,- innan 18.10.19.*
3. *Osterøy IL vil oppta eit lån på kr 2 000 000,- til finansiering av tiltaket. Lånet vert trappa gradvis ned etter kvart som tiltaket mottar kommunalt tilskot, spelemidler og momskompensasjon.*
4. *Lånekostnadene vert dekkja 100 % av friidrettsgruppa*
5. *Vedtaket føreset kommunalt tilskot på minimum 25 % av spelemiddeltildelinga (estimert kr 211 662,-).*
6. *Osterøy IL søker kommunal garanti på lånebeløpet. Opptak av lån føreset kommunal garanti.*

Vedtak om kommunalt tilskot skal følgja spelemiddelsøknaden. Me sender over søknad om kommunalt tilskot, slik at administrasjonen kan førebu saka til handsaming i heradsstyremøte 13.11.2019.

Osterøy IL vil søkja låneopptak stort kr 2.000.000,- for å kunna gjennomføra rehabiliteringa. Som trygging for lånet føreset idrettslaget kommunal garanti på lånebeløpet. For best mogelege lånevilkår vil Osterøy IL vurdere å søkja om dette i Kommunalbanken. Kommunalbanken krev garanti på lånebeløpet + 10%, altså kr 2.200.000,-. Garantien vil bli trappa ned i takt med nedbetaling av lånet.

I 2004 blei friidrettsanlegget på Hatland etablert som eit fullverdig sentralanlegg med 400m rundbane med fast dekke, naturgras og tilrettelagt for alle øvingar i friidrett. Levetida på kunststoffdekker er om lag 15 år. Anlegget er godt vedlikehalde, men har etter omfattande bruk ein god del sprekkdanningar som må reparerast, i tillegg til nokre andre mindre tiltak. Vanleg praksis er at kunststoffdekker vert reparert og deretter og resprøyta på toppen. Sjå forprosjektbeskrivelsen for meir detaljert informasjon.



Osterøy IL
Postboks 42
5293 LONEVÅG
Org.nr: 975 682 447

Rehabiliteringa er eit helt naudsynt og vanleg vedlikehaldstiltak i midtlivsfasa for kunststoffdekker for at anlegga framleis skal vera funksjonelle for brukarane i nye 15 år. Ved mottak av spelemidlar forpliktar anleggseigar å vedlikehalda anlegget slik at det er funksjonelt i 30 år. Rehabiliteringa er altså pliktig i forhold til tilskot gitt i 2004.

Friidrettsgruppa i Osterøy IL hadde i utgangspunktet lagt opp til ei større rehabilitering med blant anna legging av kunststoffdekke i spyd/diskos/kule svingen, slik at anlegget ville få betre funksjonalitet og mindre vedlikehald. Kostnadsestimatet med dette var over 3 mnok. Ein har etter si samla vurdering måtta gått ned på krava for å halda kostnadane så låge som mogeleg. Med den løysinga som no ligg til grunn er totalt kostnadsestimat på kr 2 539 945,-. Spelemidlar (1/3) vil utgjera kr 846 648,-. Osterøy IL er kjend med at det kommunale tilskotet til vanleg ligg på 25 % av spelemiddeltildelinga. For dette tiltaket vil i så fall tilskotet bli kr 211 662,-. Osterøy IL meiner dette nivået er for lågt. Det er ikkje urimeleg at kommunen går inn med eit høgare økonomisk bidrag til eit kommunalt anlegg som må oppgraderast og i tillegg har eit mangfald av brukarar. Det er ikkje berre særvidretten som brukar Osterøy stadion, men òg offentlege skular, andre idrettslag og alle dei som brukar bana til ikkje organisert aktivitet. I et førebyggingsperspektiv er det viktig med eit allsidig tilbod til ulike former for fysisk aktivitet for born, ungdom og vaksne i Osterøy kommune.

Osterøy IL sine inntekter er i hovudsak tufta på eigabetaling, dugnadar, noko tilskot og sponsorat. I 2018 mottok Osterøy IL kr 290 000,- i støtte fra Osterøy Kommune til vedlikehald av utandørsanlegg. Osterøy IL driftar og vedlikeheldt Osterøy Stadion, Kunstgrasbana i Fugledalen og lysløypa på Rolland, altså anlegg som vert nytta av mange fleire enn idrettslaget sine eigne medlemmar.

Idrettslaget hadde i 2018 knappe kr 850 000,- i utgifter på anlegga. Av dette er om lag kr 350 000,- i direkte vedlikehaldsutgifter og kr 500 000,- i renter og avdrag på lån. I rekneskapen kjem ikkje dugnadstimar som er lagt ned i dette arbeidet fram. I tillegg blei det betalt husleige til Osterøy Aktiv AS med vel kr 315 000,- for trening og arrangement i idrettslaget sin regi .

Osterøy IL håpar kommunen kan vedta eit kommunalt tilskot til rehabilitering av friidrettsdelen Osterøy stadion på kr 846 648,-.

Med helsing,

Styret i Osterøy IL

Vedlegg:

- 1 – Vedtak frå ekstraordinært årsmøte i Osterøy IL
- 2 – Forprosjekt for rehabilitering av Osterøy stadion